



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XV. Quod delegatus secundum priores literas potest in causa procedere, nisi expresse in posterioribus contineatur, causam ipsam ab eius examine subtractam.

urn:nbn:de:hbz:466:1-15588

tus iudex causam auctoritate sibi commissa potest executioni mandare: & si quis sibi resisterit, cum ecclesiastica censura coercere.

C A P. XII. *Idem eidem in e. e.*

Si quando vero clerici coram iudice delegato prelatos ecclesiarum super ecclesiis quas tenent, in causam traxerint, & coram eodem iudice transactione vel alio modo ecclesias obtinuerint, in quibus certum sit eos institutionem canonicam nullatenus habuisse, nec possessionem etiam corporalem, ordinarius iudex non debet delegati iudicis mandato resistere violenter, sed apud ipsum instare, vt differat illos in possessionem mittere, donec nobis rei veritas innotescat.

C A P. XIII. *Idem Herefordensi episcopo.*

Intelleximus ex tuæ fraternitatis relatu, quod quandoque impetrantur a nobis literæ, certam causam habentes ad te & ad alios, aliquando per suggestionem falsitatis, aliquando per suppressionem veritatis. Vnde a nobis consilium postulasti, vtrum secundum formam aut secundum rigorem iustitiæ tunc debeas in ipsa causa procedere. Super quo discretioni tuæ tale damus responsum; quod si literæ nostræ ad te directæ formam expressam habuerint, & cognoueris eas per suggestionem falsitatis & per suppressionem veritatis cum tali forma impetratas fuisse: tunc non secundum formam in eis expressam, sed secundum rigorem iustitiæ in causa ipsa sine personarum acceptione procedas.

Non secundum formam facti, sed secundum rigorem iustitiæ procedendum.

C A P. XIV. *Idem.*

Si autem lis infra certum terminum præcipiatur decidi, non poterit negotium vltra præfixum terminum, nisi communi consensu partium, prorogari. Verum si iudex delegatus aliter fecerit, & fines mandati excesserit, eius iurisdictionem non est dubium exspirare.

C A P. XV. *Idem Londoniensi & Vigorniensi episcopis.*

Peruenerat ad nos ex parte R. senis presbyteri, quod cum ad vos olim literas nostras attulisset, quod si vobis constaret

ANNO
CHRISTI
1179.

staret eum per vim T. clerici, metu regio cooperante, ecclesiam de Gitebergia, quam se asserit per annos pacifice possedisse, iam pridem iuramento præstito refutasse, eandem ecclesiam ei restitueres. Prædictus vero T. alias literas a nobis posterius impetratas, ad alios iudices super eodem negotio reportauit, & sic causa ipsa sub vestro non fuit examine terminata. Mandamus itaque fraternitati vestræ atque prudentiæ, quatenus non obstantibus literis a memorato T. posterius impetratis, nisi ibi contineatur * expressum, quod causam ipsam vestro iudicio subtraxerimus, vtramque partem ante vos conuocetis, & eidem causæ iuxta tenorem alterarum literarum nostrarum, sublato appellationis remedio, non differatis debitum finem imponere.

* expressum,

C A P. XVI. *Idem * Lexoniensi archiepiscopo.*

In literis quas tua nobis destinauit fraternitas, quaestiones quasdam inseruisti, super quibus solutionem tibi a nobis postulas exhiberi: quarum siquidem vna est, scilicet, vsque ad quod tempus iudex delegatus se possit interponere, vt stetur rei iudicatæ vel transactioni. Super quo vtique paternitati tuæ taliter respondemus, quod ex quo iudex delegatus per se aut per alium, si potuit, executioni mandauerit, vel pro se petierit mandari, eius auctoritas & iurisdictio cessat, quia semel functus est officio suo.

Semel officio suo functus de cetero non fungi.

C A P. XVII. *Idem abbati sancti Albani.*

Consultationibus singulorum ex ministerio susceptæ seruitutis cogimur respondere, vt si quid dubietatis vel quaestionis in mentem alicuius emerferit, ab ecclesia Romana soluatur, quæ inter alias, disponente Domino, obtinere meruit principatum. Quæsitum est siquidem a vobis, vt si quis ecclesia vel possessione aliqua se assuetans absque iudicio & causa rationabili spoliatum, & a nobis ad iudices literas obtinuerit, vt infra certum tempus restituatur sibi possessio: si constiterit iudici, eum esse taliter spoliatum, possessio debet ei restitui, cum is qui tenet ecclesiam, vel postquam ipse requirit, antequam de literis aliqua mentio fieret, studiorum, peregrinationis,

Math. 16.

Concil. Tom. 27.

Zzz